



Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy, Infrastructure, Physical
Planning, Construction and Environmental Protection

Broj: 05.08-04-10266-46/25
Sarajevo, 13.06.2025. godine

SKUPŠTINA KANTONA SARAJEVO
n/r Predsjedavajući Skupštine Kantona Sarajevo

PREDMET: Zastupnička inicijativa, odgovor, - *dostavlja se* -
VEZA: Vaš akt broj: 01-04-10266-15/25 od 28.03.2025. godine

Vašim aktom broj i datum navedenim u Vezi, dostavili ste Zastupničku inicijativu koju je na 21. radnoj sjednici Skupštine Kantona Sarajevo uputila zastupnica Admela Hodžić. Naime, zastupnica Admela Hodžić je u skladu sa članom 212. stav (2) Poslovnika Skupštine Kantona Sarajevo ("Službene novine Kantona Sarajevo", broj: 41/12 Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 Ispravka i 47/24), uputila zastupničku inicijativu sa obrazloženjem, koja glasi:

„Da se obezbjede sredstva iz vodnih naknada i drugih sredstava za provođenje kontrole zdravstvene ispravnosti vode za piće lokalnih vodovoda, kojima ne upravljaju javna komunalna preduzeća, a što je propisano Zakonom o vodama Kantona Sarajevo ("Službene novine Kantona Sarajevo" br. 18/10, 43/16 i 44/22).

U skladu sa nadležnostima, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo daje sljedeći

ODGOVOR

Uzimajući u obzir da se radi o postupanju u skladu s odredbama Zakona o vodama Kantona Sarajevo ("Službene novine Kantona Sarajevo" br. 18/10, 43/16 i 44/22, u daljem tekstu Zakon), našim aktom broj: 05.08-04-10266-30/25 od 29.04.2025. godine obratili smo se Ministarstvu privrede za mišljenje u skladu s predmetnom inicijativom. Aktom broj: 07-07-21-10266/25 od 03.06.2025. godine (kopija u prilogu) dato je Mišljenje u kojem je između ostalog iskazan stav Ministarstva privrede i to *"da dodjela sredstava iz vodnih naknada i drugih sredstava za provođenje kontrole zdravstvene ispravnosti vode za piće lokalnih vodovoda, kojim ne upravljaju operatori nije u skladu sa zakonom"*.

Naime Zakonom o vodama Kantona Sarajevo ("Službene novine Kantona Sarajevo" br. 18/10, 43/16 i 44/22, u daljem tekstu: Zakon) članom 12. u stavu (1) propisano je da se pod vodnim objektima za vodosnabdijevanje smatraju pored kantonalnih vodnih objekata, općinski i mjesni vodni objekti za vodosnabdijevanje, stavom (2) istog člana propisano je da pravno lice koje upravlja vodnim objektima za vodosnabdijevanje je dužno u roku od 12 mjeseci od dana stupanja na snagu ovog Zakona, Javnoj ustanovi Zavodu za javno zdravstvo Kantona Sarajevo, općini i Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo dostaviti podatke o broju izvorišta,

kaptaža, rezervoara, broju korisnika, načinu tretmana vode, pojedinačno za svaki vodovodni sistem kojim upravlja.

Član 14. Zakona propisuje da se pod općinskim vodnim objektima za vodosnabdijevanje smatraju vodni objekti za vodosnabdijevanje jednog ili više naselja koji imaju zaštićeno i uređeno izvorište ili više izvorišta, kaptažu ili više kaptaža, rezervoar ili više rezervoara, pumpne stanice sa potisnim cjevovodom, transportnu i distributivnu mrežu, a koji su izgrađeni sredstvima općine ili sredstvima drugih pravnih ili fizičkih lica i služe za snabdijevanje vodom za piće više od 50 stanovnika, odnosno članom 18. Zakona propisuje da se pod mjesnim vodnim objektima za vodosnabdijevanje smatraju mjesni vodovodi sa pripadajućim vodnim objektima za vodosnabdijevanje jednog ili više naselja u sklopu jedne mjesne zajednice koji imaju zaštićeno izvorište ili više izvorišta, kaptažu ili više kaptaža, rezervoar ili više rezervoara, pumpne stanice sa potisnim cjevovodom i distributivnu mrežu, javne česme i javne bunare, koji su izgrađeni sredstvima korisnika, a služe za snabdijevanje vodom za piće do 50 stanovnika.

Dalje, član 15. Zakona propisuje upravljanje općinskim vodovodima na način da je općina dužna preuzeti i dati sve općinske vodovode na upravljanje pravnom licu koje je u skladu sa zakonskom regulativom registrovano i specijalizirano za obavljanje tih poslova, odnosno članom 18. upravljanje mjesnim vodovodima na način da je općina dužna preuzeti i dati sve mjesne vodovode na upravljanje pravnom licu koje je u skladu sa zakonskom regulativom registrovano i specijalizirano za obavljanje tih poslova

Uzimajući u obzir Mišljenje Ministarstva privrede i naprijed navedenih odredbi Zakona koji uređuju predmetno pitanje, proizilazi da je za postupanje Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo po predmetnoj inicijativi potrebno riješiti prethodna pitanja, odnosno potrebno je da općine preuzmu općinske i mjesne vodovode i daju ih na upravljanje pravnom licu koje je u skladu sa zakonskom regulativom registrovano i specijalizirano za obavljanje tih poslova.

Tek nakon naprijed zakonski provedenih radnji i dostavljanja podataka u skladu sa članom 12. Zakona ovo Ministarstvo će imati osnov da planira sredstva za provođenje kontrole zdravstvene ispravnosti vode za piće općinskih/mjesnih vodovoda, odnosno da ista uvrsti prilikom izrade pojedinačnog programa utroška sredstava prikupljenih po osnovu vodnih naknada iz člana 68. Zakona.

S poštovanjem,



Prilog: kao u tekstu

Dostaviti:

1. Skupština Kantona Sarajevo,
2. Stručnoj službi Vlade Kantona Sarajevo,
3. Lice za koordinaciju odgovora na poslanička/zastupnička pitanja i inicijative-na znanje,
4. Ministarstvo zdravstva Kantona Sarajevo
5. Ministarstvo privrede Kantona Sarajevo
6. Evidencija,
7. Arhiva.



05
4982
PB 44

10/06/25
Gaxun
fuell.

Broj: 07-07-21-10266/25
Sarajevo, 03.06.2025. godine

Kanton Sarajevo
MINISTARSTVO KOMUNALNE PRIVREDE, INFRASTRUKTURE,
PROSTORNOG UREĐENJA, GRAĐENJA I ZAŠTITE OKOLIŠA
- o v d j e -

Predmet: Mišljenje,-

Veza: Vaš, akt broj: 05.08-04-10266-30/25 od 29.04.2025. godine

Aktom broj i datum iz veze, zatražili ste od ovog Ministarstva mišljenje povodom zastupničke inicijative zastupnice u Skupštini Kantona Sarajevo Admele Hodžić.

Naime, imenovana zastupnica uputila je slijedeći inicijativu:

"Da se obezbijede sredstva iz vodnih naknada i drugih sredstava za provođenje kontrole zdravstvene ispravnosti vode za piće lokalnih vodovoda, kojima ne upravljaju javna komunalna preduzeća, a što je propisano Zakonom o vodama Kantona Sarajevo ("Službene novine Kantona Sarajevo", br. 18/10, 43/16 i 44/22)."

S tim u vezi, dajemo mišljenje kako slijedi:

Prema članu 3. stav (1) tačka a) Zakona o komunalnim djelatnostima ("Službene novine Kantona Sarajevo", br. 14/16, 43/16, 10/17 - ispr., 19/17, 20/18 i 22/19) propisano je da je snabdijevanje pitkom vodom komunalna djelatnost.

Članom 5. stav (1) istog zakona propisano je da su komunalne djelatnosti od javnog interesa i da se obavljaju kao javne službe.

Prema čl. 10. i 12. Zakona o komunalnim djelatnostima, komunalne djelatnosti obavljaju se putem:

- javnog preduzeća komunalnih djelatnosti i
- privrednog društva koje ima koncesiju dodjeljenu u skladu sa odredbama Zakona o koncesijama ("Službene novine KS", br. 27/11, 33/12 - odluka US, 15/13 i 1/22).

Dakle, prema Zakonu o komunalnim djelatnostima, kao i prema Zakonu o vodama ("Službene novine Federacije BiH", broj 70/06) i Zakonu o vodama Kantona Sarajevo ("Službene novine Kantona Sarajevo", br. 18/10, 43/16 i 44/22) vodosnabdijevanje odnosno upravljanje vodovodima obavljaju operatori, a to su javna preduzeća komunalnih djelatnosti ili privredna društva koja ima dodjeljenu koncesiju.

Shodno tome, vodosnabdijevanje odnosno upravljanje vodovodima, isključivo se obavlja putem operatora (javno preduzeće komunalnih djelatnosti ili privredno društvo koja ima dodjeljenu koncesiju), a sve suprotno tome je u suprotnosti sa zakonom, pa je i stav ovog Ministarstva da

dodjela sredstava iz vodnih naknada i drugih sredstava za provođenje kontrole zdravstvene ispravnosti vode za piće lokalnih vodovoda, kojima ne upravljaju operatori nije u skladu sa zakonom.

S poštovanjem,

Dostavljeno:

1. Naslovu,
2. Evidenciji,
3. Arhivi.



KONTROLNA LISTA ZA DOSTAVU AKTA MINISTRU NA POTPIS

Naziv akta: Zastupnička inicijativa
Broj akta: 05.08-04-10266-46/25
Vrsta akta: ☐ Odluka ☐ Zaključak ☐ Rješenje ☐ Saglasnost ☐ Mišljenje ☐ Ugovor ☐ Sporazum ☒ Drugo:
Sektor (organizaciona jedinica): Sektor za upravljanje projektima
Ime i prezime obrađivača: Elma Kuldija
Datum: 13.06.2025.godine

Pomoćnik ministra potvrđuje da je, prije dostave akta ministru na potpis, izvršio provjeru formalne i sadržajne ispravnosti, **za akte koji potiču iz sektora kojim rukovodi:**

1. ☒ **Nadležnost sektora** – Akt je izrađen u okviru nadležnosti sektora
2. ☒ **Kompletna dokumentacija** – Akt sadrži svu prateću i uredno numerisanu dokumentaciju potrebnu za odlučivanje.
3. ☒ **Pravni osnov** – Akt je u nadležnosti Ministarstva i ima jasno naveden, provjeren i ažuriran pravni osnov.
4. ☒ **Usklađenost propisa** – Sadržaj akta je u potpunosti usklađen sa važećim zakonima, podzakonskim aktima.
5. ☐ **Finansijsko pokriće** – Ako akt ima finansijske implikacije, potvrđeno je da su sredstva planirana u Budžetu i da postoji saglasnost pomoćnika za ekonomsko-finansijske poslove.
6. ☒ **Nomotehnički i tehnički pregled** – Akt je tehnički i nomotehnički ispravan (format, jezik, numeracija, prilog-popis, potpisne linije, OWIS oznaka, sljedivost verzija).
7. ☒ **Proceduralna ispravnost** – Nisu uočene pravne, finansijske niti proceduralne manjkavosti; pribavljena su sva potrebna mišljenja/saglasnosti drugih organa.

U prilogu akta je mišljenje Ministarstva privrede KS, broj: 07-07-21-10266/25 od 03.06.2025.godine

8. ☒ **OWIS dostava** – Akt je unesen i, zajedno s ovom kontrolnom listom, dostavljen ministru putem OWIS-a.

Ime i prezime pomoćnika ministra: Jasmina Stevanović

Potpis:

Datum: 13.06.2025.godine

Napomena: Kontrolna lista se **ne primjenjuje** na interne dopise niti na službenu prepisku sa strankama u postupku (predmetu) koja služi za konačno donošenje akata (Odluka, Zaključak, Ugovor, Rješenje, Saglasnost, Mišljenje i dr.).